

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

RJEŠENJE

po Prijavi namjere koncentracije između privrednih subjekata Asseco South Eastern Europe S.A, Rzeszow, Republika Poljska i Antegra d.o.o. društvo za usluge istraživanja i razvoj u oblasti automatske obrade podataka i računovodstvenih usluga, Beograd, Republika Srbija

Sarajevo
Septembar, 2008. godine



Broj: 01-05-26-020-10-II/08
Sarajevo, 11.09.2008. godine

Na osnovu člana 25. stav (1) tačka e), člana 42. stav (1) tačka d), a u skladu s čl. 12., 14., 16. i 18. Zakona o konkurenciji („Službeni glasnik BiH“, br. 48/05 i 76/07), po Prijavi namjere koncentracije između privrednog subjekta Asseco South Eastern Europe S.A., Armii Krajowej 80, 35-307 Rzeszow, Republika Poljska, zastupanog po zajedničkoj advokatskoj kancelariji Marić Branko, Ivanović Dijana, Dizdarević Višnja i Radovanović Predrag, Mehmeda Spahe 26, 71 000 Sarajevo, Bosna i Hercegovina, i privrednog subjekta Antegra d.o.o. društvo za usluge istraživanja i razvoj u oblasti automatske obrade podataka i računovodstvenih usluga, Bulevar Vojvode Mišića 37-39, Beograd, Republika Srbija, zaprimljenu pod brojem 01-05-26-020-II/08 dana 29.05.2008.godine, Konkurencijsko vijeće, na 71. (sedamdesetprvoj) sjednici održanoj dana 11.09.2008. godine, donijelo je

R J E Š E N J E

1. Ocjenjuje se dopuštenom koncentracija koja će nastati na tržištu proizvodnje, prodaje i pružanja usluga u oblasti informacionih tehnologija (kompjuterske tehnike) u Bosni i Hercegovini sticanjem kontrole kupovinom većine dionica privrednog subjekta Antegra d.o.o. društvo za usluge istraživanja i razvoj u oblasti automatske obrade podataka i računovodstvenih usluga, Bulevar Vojvode Mišića 37-39, Beograd, Republika Srbija, od strane privrednog subjekta Asseco South Eastern Europe S.A., Armii Krajowej 80, 35-307 Rzeszow, Republika Poljska.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i biće objavljeno u „Službenom glasniku BiH“, službenim glasnicima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je dana 29.05.2008. godine zaprimilo Prijavu namjere koncentracije broj 01-05-26-020-II/08 (u daljem tekstu: Prijava) privrednog subjekta Asseco South Eastern Europe S.A., Armii Krajowej 80, 35-307 Rzeszow, Republika Poljska (u daljem tekstu: Asseco SEE ili Podnosilac prijave), zastupan po zajedničkoj advokatskoj kancelariji Marić Branko, Ivanović Dijana, Dizdarević Višnja i Radovanović Predrag, Mehmeda Spahe 26, 71 000 Sarajevo, Bosna i Hercegovina, po kojoj namjerava steći 70,0% učešća u privrednom subjektu Antegra d.o.o. društvo za usluge istraživanja i razvoj u oblasti automatske obrade podataka i računovodstvenih usluga, Bulevar Vojvode Mišića 37-39, Beograd, Republika Srbija (u daljem tekstu: Antegra d.o.o. Beograd).

Uvidom u dostavljenu Prijavu utvrđeno je da ista nije kompletna, te da je treba dopuniti u smislu člana 30. stav (1) Zakona o konkurenciji (u daljem tekstu: Zakon) i čl. 8., 9. i 10. Odluke o načinu podnošenja prijave i kriterijumima za ocjenu koncentracija privrednih subjekata („Službeni glasnik BiH“ broj 95/06), te je zatražena dopuna Prijave dana 16.06.2008. godine dopisom broj 01-05-26-020-1-II/08.

Podnosilac prijave dopunio je istu i traženu dokumentaciju dostavio dana 20.06.2008. godine dopisom broj 01-05-26-020-2-II/08, dana 07.07.2008. godine dopisom broj 01-05-26-020-4-II/08, dana

31.07.2008. godine dopisom broj 01-05-26-020-5-II/08, dana 14.08.2008. godine dopisom broj 01-05-26-020-6-II/08 i dana 18.08.2008. godine dopisom broj 01-05-26-020-7-II/08.

Konkurencijsko vijeće je dana 01.09.2008. godine dopisom broj 01-05-26-020-8-II/08 Podnosiocu prijave izdalo Potvrdu o prijemu uredne i kompletne Prijave (u daljem tekstu: Potvrda), u smislu člana 30. stav (3) Zakona.

Podnosilac prijave je, u smislu člana 30. stav (2) Zakona, naveo da je Komisija za zaštitu konkurencije Republike Srbije odobrila sprovođenje predmetne koncentracije u Republici Srbiji.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Prijava namjere koncentracije je podnesena u zakonom propisanom roku, u smislu člana 16. stav (1) Zakona.

1. Učesnici koncentracije

Učesnici predmetne koncentracije su privredni subjekt Asseco South Eastern Europe S.A., Armii Krajowej 80, 35-307 Rzeszow, Republika Poljska i privredni subjekt Antegra d.o.o. društvo za usluge istraživanja i razvoj u oblasti automatske obrade podataka i računovodstvenih usluga, Bulevar Vojvode Mišića 37-39, Beograd, Republika Srbija.

1.1. Privredni subjekt Asseco South Eastern Europe S.A.

Privredni subjekt Asseco South Eastern Europe S.A., sa sjedištem na adresi Armii Krajowej 80, 35-307 Rzeszow, Republika Poljska, registrovan je u Zemaljskom registarskom sudu u Varšavi, pod brojem 0000284571 dana 11.07.2007. godine.

Osnovne registrovane djelatnosti Asseco SEE su proizvodnja kompjutera i ostalih uređaja za obradu informacija, prenos podataka, konsalting u oblasti kompjuterske opreme, poslovi u oblasti programiranja, obrada podataka, poslovanje vezano sa bazama podataka i ostalo poslovanje vezano s informatikom.

Privredni subjekt Asseco Poland S.A., Armii Krajowej 80, 35-307 Rzeszow, Republika Poljska (u daljem tekstu: Asseco Poland), registrovan u Zemaljskom registarskom sudu u Varšavi dana 20.08.2001. godine, pod registarskim brojem 0000033391, posjeduje 93,0% vlasničkog učešća u privrednom subjektu Asseco SEE.

Osnovne registrovane djelatnosti Asseco Poland su proizvodnja kompjutera i ostalih uređaja za obradu i prenos informacija, prodaja kompjutera, programiranje, obrada podataka i poslovanje vezano sa bazama podataka.

1.1.1. Povezani privredni subjekti Asseco SEE u Bosni i Hercegovini

Privredni subjekt Asseco SEE je vlasnik 60,0% učešća u privrednom subjektu Pexim d.o.o. Beograd, koji je 100,0% vlasnik privrednog subjekta Pexim Solutions d.o.o. Banja Luka.

1.1.1.1. Privredni subjekt Pexim Solutions d.o.o. Banja Luka

Privredni subjekt Pexim Solutions d.o.o. Banja Luka, sa sjedištem na adresi Kralja Alfonsa XIII 14/1, 78000 Banja Luka, je osnovan i upisan u sudski registar kod Osnovnog suda u Banja Luci pod brojem 1-15758-00, dana 28.11.2006. godine (u daljem tekstu: Pexim Banja Luka).

Osnovna djelatnost privrednog subjekta Pexim Solutions d.o.o. Banja Luka je trgovina na veliko kompjuterima i opremom za obradu podataka, izrada kompjuterskih programa, te usluge izrade softverskih rješenja.

Privredni subjekt Pexim Solutions d.o.o. Banja Luka ne posjeduje maloprodajnu i veleprodajnu distributivnu mrežu.

1.2. Privredni subjekt Antegra d.o.o. Beograd

Privredni subjekt Antegra d.o.o. društvo za usluge istraživanja i razvoj u oblasti automatske obrade podataka i računovodstvenih usluga Beograd, Bulevar Vojvode Mišića 37-39, Beograd, Republika Srbija, registrovan je dana 18.11.1994. godine u registru privrednih subjekata Trgovinskog suda u Beogradu, pod registarskim brojem 1-73076-00.

Registrovana djelatnost privrednog subjekta Antegra je istraživanje i eksperimentalni razvoj u nepomenutim prirodnim naukama.

Prema podacima iz Prijave, vlasnička struktura privrednog subjekta Antegra d.o.o. Beograd prikazana je u Tabeli 1..

Tabela 1.

R.br.	Vlasnik dionica	Vlasničko učešće (%)
1.	Smiljanić Dejan	15,4
2.	Vučković Goran	15,4
3.	Smiljanić Vesna	13,5
4.	Teodosin Petar	13,5
5.	Oršolić Zvonko	12,8
6.	Šušnjar Zoran	10,0
7.	EBIBER d.o.o. Beograd	10,0
8.	Lavadinović Đorđe	9,4
	Ukupno	100,0

1.2.1. Povezani privredni subjekti Antegra d.o.o. Beograd u Bosni i Hercegovini

Privredni subjekt Antegra d.o.o. Beograd u Bosni i Hercegovini je 100,0% vlasnik privrednog subjekta Ibis akcionarsko društvo za proizvodnju i pružanje usluga u oblasti računarske tehnike i informatike, a.d. Banja Luka (u daljem tekstu: Ibis a.d. Banja Luka).

1.2.1.1 Ibis a.d. Banja Luka

Privredni subjekt Ibis a.d. Banja Luka, sa sjedištem na adresi V. Kozarske brigade broj 18, Banja Luka, registrovan je u Osnovnom sudu u Banja Luci pod registarskim brojem 1-11764-00, dana 27.09.2000. godine.

Registrovane djelatnosti privrednog subjekta Ibis a.d. Banja Luka su proizvodnja kompjuterskih mašina i druge opreme za obradu podataka, obrada podataka i izgradnja baze podataka.

Isključiva djelatnost privrednog subjekta Ibis a.d. Banja Luka, prema podacima iz Prijave, je prodaja i održavanje bankarskog softvera kojeg proizvodi privredni subjekt Antegra d.o.o. Beograd.

Privredni subjekt Ibis a.d. Banja Luka ne posjeduje maloprodajnu i veleprodajnu distributivnu mrežu, već sve svoje prihode ostvaruje prodajom bankarskog softvera bankama i održavanjem istog.

2. Obaveza prijave namjere koncentracije

Na osnovu ostvarenog godišnjeg prihoda učesnika koncentracije na dan 31.12.2007. godine proizašla je obaveza prijave namjere koncentracije, u smislu člana 14. stav (1) tačka a) Zakona.

Ukupni ostvareni godišnji prihodi učesnika koncentracije na dan 31.12.2007. godine iznose:

Tabela 2.

Konsolidovani prihod	Asseco SEE		Asseco Poland		Antegra d.o.o. Beograd	
	KM	PLN	KM	PLN	KM	RSD
Svijet	(..)* ¹	(..)*	(..)*	(..)*	(..)*	(..)*
BiH	-	-	-	-	-	-

Ukupni prihodi učesnika koncentracije ostvareni prodajom roba na svjetskom tržištu iznose preko 100.000.000,00 KM, odnosno privredni subjekt Asseco Poland je ostvario (..)* KM, privredni subjekt Asseco SEE (..)* KM, dok je privredni subjekt Antegra d.o.o. Beograd ostvario (..)* KM ukupnog prihoda, po završnom računu u godini koja je prethodila predmetnoj koncentraciji.

Ukupan prihod povezanih privrednih subjekata učesnika koncentracije u Bosni i Hercegovini na dan 31.12.2007. godine prikazan je u Tabeli 3..

Tabela 3.

Konsolidovani prihod (KM)	Pexim d.o.o. Banja Luka	Ibis a.d. Banja Luka
Svijet	(..)*	(..)*
Bosna i Hercegovina	(..)*	(..)*

S obzirom da je ispunjen uslov zajedničkog ukupnog godišnjeg prihoda i da je najmanje jedan privredni subjekt učesnik koncentracije registrovan na teritoriji Bosne i Hercegovine, u smislu člana 14. stav (1) Zakona, učesnici koncentracije obvezni su podnijeti Prijavu.

3. Pravni okvir ocjene koncentracije

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06), te Odluke o načinu podnošenja prijave i kriterijumima za ocjenu koncentracija privrednih subjekata.

4. Pravni osnov i oblik koncentracije

Pravni osnov predmetne koncentracije je Ugovor o kupoprodaji (u daljem tekstu: Ugovor) za kupovinu akcijskog kapitala u privrednom subjektu Antegra d.o.o. Beograd, zaključen dana 21. maja 2008. godine u Beogradu, Republika Srbija, između privrednog subjekta Asseco South Eastern Europe S.A (u daljem tekstu: Asseco SEE ili kupac) i akcionara privrednog subjekta Antegra d.o.o. Beograd i to: Oršolić Zvonko, Teodosina Petar, Lavadinović Đorđe, Šušnjar Zoran, Smiljanić Dejan, Vučković Goran, Smiljanić Vesna i ovlašteno lice privrednog subjekta EBIBER d.o.o. Beograd (u daljem tekstu: Prodavci).

Navedenim Ugovorom privredni subjekt Asseco SEE stiće 70% učešća u privrednom subjektu Antegra d.o.o. Beograd čime stiće kontrolu i postaje većinski vlasnik istog.

Vlasnička struktura privrednog subjekta Antegra d.o.o. Beograd nakon provedene koncentracije prikazana je kako slijedi:

¹ (..)* podaci se smatraju poslovnom tajnom u smislu člana 38. Zakona o konkurenciji

Tabela 4.

R.br.	Vlasnik dionica	Vlasničko učešće (%)
1.	Asseco SEE	70,0
2.	Oršolić Zvonko	6,84
3.	Vučković Goran	4,62
4.	Smiljanić Dejan	4,62
5.	Teodosin Petar	4,05
6.	Smiljanić Vesna	4,05
7.	Šušnjar Zoran	3,0
8.	Lavadinović Đorđe	2,82
	Ukupno	100,0

Konkurencijsko vijeće je utvrdilo da je pravni oblik koncentracije sticanje većinske kontrole jednog privrednog subjekta (Asseco SEE), kupovinom 70,0 % akcija, nad drugim privrednim subjektom (Antegra d.o.o. Beograd) u skladu s članom 12. stav (1) tačka b) pod 1) Zakona.

5. Relevantno tržište

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda (usluga) koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Analizom relevantnog tržišta učesnika koncentracije Konkurencijsko vijeće je utvrdilo da je relevantno tržište proizvoda u predmetnoj koncentraciji tržište proizvodnje, prodaje i pružanja usluga u oblasti informacionih tehnologija (kompjuterske tehnike).

Relevantnim geografskim tržištem smatra se tržište Bosne i Hercegovine.

Slijedom gore navedenog, relevantnim tržištem predmetne koncentracije smatra se tržište proizvodnje, prodaje i pružanja usluga u oblasti informacionih tehnologija (kompjuterske tehnike) na cijeloj teritoriji Bosne i Hercegovine.

6. Analiza relevantnog tržišta

Tržišna učešća učesnika koncentracije i njihovih glavnih konkurenata na relevantnom tržištu proizvodnje, prodaje i pružanja usluga u oblasti informacionih tehnologija (kompjuterske tehnike) u Bosni i Hercegovini prikazana su kako slijedi:

Tabela 5.

R.br.	Privredni subjekt	Tržišno učešće (%)
1.	Lanaco, Banja Luka	12,0
2.	Bosnian Business Systems, Sarajevo	10,0
3.	Logosoft, Sarajevo	10,0
4.	PING, Sarajevo	8,0
5.	NTCHS, NT-Spinnaker DNC, Sarajevo	2,0
6.	M-san grupa, Recronet, Kimtec, Sarajevo	2,0
7.	IT Computers, Gračanica	2,0
8.	S&T, Sarajevo	1,0
9.	Aneks Banja luka, Blic i Telekom Slovenije	1,0
10.	Ibis a.d. Banja Luka	0,5
11.	Antegra d.o.o. Beograd	0,5
12.	Avacom, Mostar	0,5
13.	Pexim d.o.o. Banja Luka	0,16
14.	Ostali	50,34
	Ukupno	100,0
	Ukupno (10+11+13)	1,16

Izvor: Podaci iz Prijave

Prema podacima o tržišnim učešćima učesnika koncentracije i njihovih glavnih konkurenata na relevantnom tržištu (Tabela 5.) proizilazi da postoji jaka konkurencija, s obzirom da postoji veliki broj privrednih subjekata sa relativno malim tržišnim učešćem. Najveće tržišno učešće ima privredni subjekt Lanaco Banja Luka sa 12,0%, te privredni subjekt Bosnian Business Systems i privredni subjekt Logosoft Sarajevo sa 10,0% tržišnog učešća.

Zajedničko tržišno učešće učesnika koncentracije na relevantnom tržištu proizvodnje, prodaje i pružanja usluga u oblasti informacionih tehnologija (kompjuterske tehnike) u Bosni i Hercegovini iznosi 1,16%.

7. Ocjena koncentracije

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona, u postupku donošenja predmetnog Rješenja, ocijenilo da neće doći do znatnog povećanja tržišnog učešća učesnika koncentracije na relevantnom tržištu proizvodnje, prodaje i pružanja usluga u oblasti informacionih tehnologija (kompjuterske tehnike) na cijelom području Bosne i Hercegovine, te da predmetna koncentracije ne sprečava, ograničava niti narušava tržišnu konkurenciju na relevantnom tržištu.

Uzimajući u obzir sve iznesene činjenice i podatke koji su prethodili donošenju predmetnog Rješenja, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona, kao što je odlučeno u dispozitivu ovog Rješenja.

8. Administrativna taksa

Na ovo Rješenje podnosilac Prijave, u skladu s članom 2. tarifni broj 107. stav (1) tačka d) pod 1) Odluke o administrativnim taksama u vezi sa procesnim radnjama pred Konkurencijskim vijećem („Službeni glasnik BiH“, broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

9. Pouka o pravnom lijeku

Protiv ovog Rješenja nije dopuštena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

Predsjednik

Ibrica Lakišić